

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

RJEŠENJE
po Prijavi namjere koncentracije privrednog subjekta ANEKS d.o.o. Banja Luka, i
privrednog subjekta NETKOM d.o.o. Banja Luka

Sarajevo
Juli 2008. godine



Broj: 01-06-26-021-5-II/08
Sarajevo, 24. jula 2008. godine

Na osnovu člana 25. stav (1) tačka e), člana 42. stav (1) tačka d) a u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05 i 76/07), i rješavajući po Prijavi namjere koncentracije privrednog subjekta ANEKS društvo za inženjering i konsultacije export-import, d.o.o. Banja Luka, Krajiških brigada 113, 78000 Banja Luka, i privrednog subjekta NETKOM društvo sa ograničenom odgovornošću za inženjering, usluge proizvodnje i trgovinu Banja Luka, Ranka Šipke 78, 78000 Banja Luka, podnesenu po advokatu Seadu Miljkoviću, Fra Anđela Zvizdovića 1, 71000 Sarajevo, zaprimljenu dana 05. juna 2008. godine pod brojem: 01-06-26-021-II/08, Konkurencijsko vijeće, na 70. (sedamdesetoj) sjednici održanoj dana 24. jula 2008. godine, je donijelo

R J E Š E N J E

1. Ocjenjuje se dopuštenom koncentracija na tržištu pružanja usluga kablovske distribucije radio i televizijskog programa u opštinama Banja Luka, Kotor Varoš i Čelinac koja će nastati sticanjem kontrole kupovinom 100,0% vlasničkog udjela u privrednom subjektu NETKOM društvo sa ograničenom odgovornošću za inženjering, usluge proizvodnje i trgovinu Banja Luka, Ranka Šipke 78, 78000 Banja Luka, od strane privrednog subjekta ANEKS društvo za inženjering i konsultacije export-import, d.o.o. Banja Luka, Krajiških brigada 113, 78000 Banja Luka.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, dana 05. juna 2008. godine pod brojem: 01-06-26-021-II/08, Prijavu namjere koncentracije (u daljem tekstu: Prijava), podnesenu po opunomoćenom advokatu Seadu Miljkoviću (punomoć izdana u Banja Luci od privrednog subjekta ANEKS dana 28. maja 2008. godine), Fra Anđela Zvizdovića 1, 71000 Sarajevo, kojom privredni subjekt ANEKS društvo za inženjering i konsultacije export-import, d.o.o. Banja Luka, Krajiških brigada 113, 78000 Banja Luka (u daljem tekstu: podnosilac Prijave ili ANEKS), namjerava steći kontrolu kupovinom 100,0% vlasničkog udjela u privrednom subjektu NETKOM društvo sa ograničenom odgovornošću za inženjering, usluge proizvodnje i trgovinu Banja Luka, Ranka Šipke 78, 78000 Banja Luka (u daljem tekstu: NETKOM).

Uvidom u podnesenu Prijavu utvrđeno je da nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja

prijave i kriterija za ocjenu koncentracija privrednih subjekata («Službeni glasnik BiH», broj 95/06) te je Konkurencijsko vijeće zatražilo dopunu iste, u skladu sa članom 31. istoga Zakona (akt broj: 01-06-26-021-1-II/08 dana 12. juna 2008. godine). Podnosilac Prijave u skladu sa zahtjevom Konkurencijskog vijeća je dopunio Prijavu traženom dokumentacijom (podnesak broj: 01-06-26-021-2-II/08 dana 19. juna 2008. godine).

Po prijemu tražene dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 19. juna 2008. godine broj: 01-06-26-021-3-II/08.

Podnosilac Prijave je naveo, u smislu člana 30. stav (2) Zakona, da nema obavezu podnijeti zahtjev za ocjenu koncentracije nekom drugom tijelu za konkurenciju izvan teritorije Bosne i Hercegovine.

Konkurencijsko vijeće u postupku ocjene dopuštenosti predmetne koncentracije je utvrdilo sljedeće činjenice:

Predmetna Prijava je podnesena u vremenskom roku od 8 dana od dana zaključivanja Ugovora o kupoprodaji privrednog subjekta ANEKS društvo za inženjering i konsultacije export-import, d.o.o. Banja Luka, i privrednog subjekta NETKOM društvo sa ograničenom odgovornošću za inženjering, usluge proizvodnje i trgovinu Banja Luka, u smislu člana 16. stav (1) Zakona.

1. Učesnici predmetne koncentracije

Učesnici predmetne koncentracije su privredni subjekt ANEKS društvo za inženjering i konsultacije export-import, d.o.o. Banja Luka, Krajiških brigada 113, 78000 Banja Luka, i privredni subjekt NETKOM društvo sa ograničenom odgovornošću za inženjering, usluge proizvodnje i trgovinu Banja Luka, Ranka Šipke 78, 78000 Banja Luka.

1.1. Privredni subjekt ANEKS d.o.o. Banja Luka

Privredni subjekt ANEKS društvo za inženjering i konsultacije export-import, d.o.o. Banja Luka, Krajiških brigada 113, 78000 Banja Luka, osnovan u 1993. godini i registrovan u Osnovnom sudu Banja Luka, pod brojem: 1-3645-00 dana, s osnovnim kapitalom od (...) ¹ KM.

Privredni subjekt Telekom Slovenije d.d. Ljubljana, Cigaletova 15, 1000 Ljubljana, Republika Slovenija (u daljem tekstu: Telekom Slovenije) ima (...) % vlasničkog udjela u privrednom subjektu ANEKS, dok fizička osoba N.N. (...) * ima (...) % udjela.

Osnovne registrovane djelatnosti privrednog subjekta ANEKS su razvoj računarskih mreža, izrada softverskih rješenja, trgovina na veliko računarima i opremom, pružanje usluga iz oblasti telekomunikacija (fiksne telefonije-terminacije i ordinacije telefonskog saobraćaja), internet usluge.

Privredni subjekt ANEKS od dana 01. aprila 2002. godine ima odobrenje odnosno Opštu dozvolu mrežnog operatera, a od dana 12. aprila 2006. godine dozvolu za pružanje internet usluga te pružanje usluga u fiksnoj telefoniji.

¹ (...) * - podaci predstavljaju poslovnu tajnu, u smislu člana 38. Zakona o konkurenciji

Prema podacima iz Prijave privredni subjekt ANEKS pojedinačno ili zajedno nema više od 10,0% udjela u osnovnom kapitalu, odnosno 10,0% prava glasa u nekom privrednom subjektu u Bosni i Hercegovini.

1.1.1. Privredni subjekt Telekom Slovenije d.d. Ljubljana

Privredni subjekt Telekom Slovenije je upisan u registar Okružnog suda u Ljubljani dana 01. oktobra 1993. godine (broj registarskog uloška: 12462400; matični broj: 5014018000), s osnovnim kapitalom (..)* KM (EUR (..)*.

Djelatnosti privrednog subjekta Telekom Slovenije su uglavnom pružanje i pribavljanje različitih usluga i informacija iz sektora PTT saobraćaja (fiksna i mobilna telefonija, internet usluge, prenos zvuka, slike ili ostalih informacija itd).

Grupa Telekom Slovenije djeluje u Republici Hrvatskoj, Republici Srbiji, Republici Makedoniji, Bosni i Hercegovini, Republici Kosovo, Republici Albaniji itd.

Grupa Telekom Slovenije u Bosni i Hercegovini, pored privrednog subjekta ANEKS d.o.o. Banja Luka, je većinski vlasnik (70,0%) privrednog subjekta BLIC.NET društvo s ograničenom odgovornošću za pružanje usluga u telekomunikacijama Banja Luka, Jevrejska bb, lamela 3/II, 78000 Banja Luka (u daljem tekstu: BLIC.NET), upisano u registar Osnovnog suda Banja Luka, broj 1-12982 od dana 31. marta 2003. godine

Vlasnička struktura privrednog subjekta Telekom Slovenije, na dan 31. decembra 2007. godine:

Tabela 1.

R.b.	Vlasnik dionica	Broj dionica	Broj dionica (%)
1.	Vlada Republike Slovenije	3.432.870	52,53
2.	Slovenska odškodninska družba d.d.	931.387	14,25
3.	Kapitalska družba d.d.- Republika Slovenija	365175	5,59
4.	PID-DZU - Republika Slovenija	221.409	3,39
5.	Pravni subjekti	600.249	9,19
6.	Pojedinačni dioničari	679.895	10,40
7.	Ostali dioničari	304.493	4,66
	UKUPNO	6.535.478	100,00

Izvor: Podaci iz Prijave

Član uprave privrednog subjekta Telekom Slovenije i privrednog subjekta ANEKS mag. Željko Puljić, je predsjednik Upravnog odbora privrednog subjekta BLIC.NET. Niti jedan drugi član uprave ili nadzornog odbora privrednog subjekta Telekom Slovenije i privrednog subjekta ANEKS nije istovremeno član uprave ili nadzornog odbora bilo kojeg drugog privrednog subjekta na relevantnom tržištu.

1.2. Privredni subjekt NETKOM d.o.o. Banja Luka

Privredni subjekt NETKOM društvo s ograničenom odgovornošću za inženjering, usluge proizvodnje i trgovinu Banja Luka, Ranka Šipke 78, 78000 Banja Luka (matični broj: 1960695), registrovan u Osnovnom sudu u Banja Luci, pod brojem: 1-12729-00, dana 10. oktobra 2002. godine (Rješenje broj: U/I2510/02), osnovan od fizičke osobe N.N (..)* s upisanim osnovnim kapitalom od (..)* KM.

Registrovana djelatnost privrednog subjekta NETKOM je uglavnom pružanje usluga iz sektora telekomunikacija (kablovska distribucija radio i televizijskih programa).

Prema podacima iz Prijave privredni subjekt NETKOM pojedinačno ili zajedno nema više od 10,0% udjela u osnovnom kapitalu, odnosno 10,0% prava glasa u nekom privrednom subjektu u Bosni i Hercegovini.

2. Obaveza prijave namjere predmetne koncentracije

Obaveza prijave namjere koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi učesnika koncentracije ostvaren prodajom roba i/ili usluga na svjetskom tržištu, iznose preko 100.000.000,00 KM, po završnom računu u godini koja je prethodila predmetnoj koncentraciji.

Ukupni godišnji prihodi privrednih subjekata učesnika predmetne koncentracije (i povezanih privrednih subjekata), na dan 31. decembra 2007. godine, iznose:

Tabela 2.

KM	Telekom Slovenije	ANEKS	NETKOM
Svijet	(..)*	(..)*	(..)*
Bosna i Hercegovina	(..)*	(..)*	(..)*

Izvor: Podaci iz Prijave

Ukupni godišnji prihodi (Tabela 2.) privrednog subjekta Telekom Slovenije je (..)* KM odnosno privrednog subjekta ANEKS je (..)*KM, dok je privredni subjekt NETKOM ostvario (..)* KM po završnom računu u godini koja je prethodila predmetnoj koncentraciji.

Konkurencijsko vijeće je prilikom utvrđivanja ukupnog godišnjeg prihoda učesnika koncentracije uračunalo i godišnji prihod privrednog subjekta Telekom Slovenije, kao većinskog vlasnika privrednog subjekta ANEKS.

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se izravno odnose na učesnika koncentracije, na svjetskom i na tržištu Bosne i Hercegovine), u smislu člana 8. tačka h) predmetne Odluke.

Budući da su ispunili uslove, u smislu člana 14. stav (1) Zakona, u pogledu zajedničkog ukupnog godišnjeg prihoda i da najmanje jedan privredni subjekt učesnik koncentracije je registrovan na teritoriji Bosne i Hercegovine, privredni subjekti učesnici koncentracije su obavezni podnijeti Prijavu.

3. Pravni okvir ocjene predmetne koncentracije

Konkurencijsko vijeće u provedbi postupka ocjene dopuštenosti predmetne koncentracije primjenilo je odredbe Zakona, Odluke o utvrđivanju relevantnog tržišta («Službeni glasnik BiH», broj 18/06) te Odluke o načinu podnošenja prijave i kriterija za ocjenu koncentracija privrednih subjekata.

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavještenja Komisije o izračunavanju ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata.

4. Pravni osnov i oblik predmetne koncentracije

Pravni osnov predmetne koncentracije, u smislu člana 30. stav (1) tačka a) Zakona definisan je članom 8. tačka f) alineja 3. Odluke o načinu podnošenja prijave i kriteriji za ocjenu koncentracija privrednih subjekta.

Prema navedenom pravni osnov predmetne koncentracije je Ugovor o kupoprodaji (u daljem tekstu: Ugovor) zaključen, dana 28. maja 2008. godine u Banja Luci, između privrednog subjekta ANEKS (potpisan od ovlaštenog zastupnika – direktor Nebojša Antonijević) i privrednog subjekta NETKOM (potpisan od g-dina Goran Jovanovića, osnivač i vlasnik), kojim privredni subjekt ANEKS namjerava steći 100,0% vlasničkog udjela u privrednom subjektu NETKOM. Prema Ugovoru kupoprodajna cijena za cjelokupan vlasnički udio u privrednom subjektu NETKOM iznosi (..)* KM (EUR (..)*.

U skladu sa članom 12. stav (1) tačka b) Zakona pravni oblik koncentracije predstavlja sticanje kontrole ili dominantnog uticaja jednog privrednog subjekta (ANEKS), nad drugim privrednim subjektom (NETKOM) sticanjem kontrole kupovinom većine dionica ili udjela osnovnog kapitala.

5. Relevantno tržište predmetne koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu naročito njihove bitne karakteristike, kvalitet, uobičajnu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupan ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Relevantno tržište usluga /proizvoda predmetne koncentracije je tržište pružanja usluga kablovske distribucije radio i televizijskog programa.

Relevantno tržište u geografskom smislu predmetne koncentracije je tržište opština Banja Luka, Kotor Varoš i Čelinac.

Prema navedenom, relevantno tržište predmetne koncentraciji je tržište pružanja usluga kablovske distribucije radio i televizijskog programa u opštinama Banja Luka, Kotor Varoš i Čelinac.

Prilikom utvrđivanja relevantnog tržišta Konkurencijsko vijeće je uzelo u obzir da privredni subjekt NETKOM od Regulatorne agencije za komunikacije Bosne i Hercegovine je dobio Opštu dozvolu za javnog mrežnog operatora (broj: DMOL-TS/051/03 od dana 02. februara 2003. godine) kojom se odobrava izgradnja, rad i održavanje javne telekomunikacione mreže u tri opštine – Banja Luka, Kotor Varoš i Čelinac, kao i dozvolu (od dana 01. januara 2004. godine) za kablovsku distribuciju radio i televizijskih programa u navedenim opštinama.

Nadalje, privredni subjekti iz Grupe Telekom Slovenije djeluju samo u određenim segmentima telekomunikacijskih djelatnosti odnosno privredni subjekt BLIC.NET djeluje isključivo u oblasti pružanja internet usluga dok privredni subjekt ANEKS djeluje u oblasti fiksne telefonije (terminacije i ordinacije telefonskog saobraćaja), internet usluga, prodaje računarske opreme te nema preklapanja djelatnosti s privrednim subjektom NETKOM.

6. Analiza relevantnog tržišta predmetne koncentracije u Bosni i Hercegovini

Tržišni udjeli privrednog subjekta NETKOM i konkurenata na relevantnom tržištu pružanja usluga kablovske distribucije radijskog i televizijskog programa, u 2007. godini, iznose:

Tabela 3.

Opština	Elta kabl Banja Luka	Eling-KDS Teslić	NETKOM	Ukupno
Banja Luka	65,00%	0,00%	35,00%	100,00%
Kotor Varoš	0,00%	10,00%	90,00%	100,00%
Čelinac	0,00%	100,00%	0,00%	100,00%

Izvor: Podaci iz Prijave

Privredni subjekt NETKOM, u skladu sa odobrenom dozvolom djeluje na relevantnom tržištu u dvije opštine Banja Luka i Kotor Varoš, dok još ne djeluje na relevantnom tržištu u opštini Čelinac (u toku je izgradnja infrastrukture).

Tržišni udjeli privrednog subjekta NETKOM i konkurenata na relevantnom tržištu pružanja usluga kablovske distribucije radijskog i televizijskog programa, na nivou Republike Srpske u 2007. godini, su:

Tabela 4.

R.b.	Privredni subjekt	Tržišni udio (%)
1.	Elta kabl d.o.o. Banja Luka	65,00
2.	Telrad d.o.o. Bijeljina	15,00
3.	NETKOM d.o.o. Banja Luka	7,00
4.	Koming-Pro d.o.o. Gradiška	4,00
5.	Terc Trade d.o.o. Prnjavor	3,00
6.	Ostali	6,00
	UKUPNO	100,00

Izvor: Podaci iz Prijave

U skladu sa podacima iz javnog registra korisnika dozvola Regulatorne agencije za komunikacije Bosne i Hercegovine trenutno u Bosni i Hercegovini ima 77 korisnika dozvole javnog mrežnog operatora, a njih 55 ima ujedno i dozvole za pružanje usluga kablovske distribucije radio i televizijskog programa. Nadalje, ukupno 12 privrednih subjekta posjeduje nacionalnu dozvolu (koja omogućuje izgradnju infrastrukture u cijeloj Bosni i Hercegovini), dok u Republici Srpskoj 24 privredna subjekta posjeduju regionalnu ili lokalnu dozvolu.

7. Ocjena predmetne koncentracije

Konkurencijsko vijeće analizom relevantnih podataka, u smislu člana 17. Zakona, ocijenilo je da provođenjem namjeravane koncentracije neće doći do stvaranja dominantnog položaja učesnika koncentracije na relevantnom tržištu i da predmetna koncentracija neće sprječavati, ograničavati ili narušavati tržišnu konkurenciju na relevantnom tržištu.

Budući da privredni subjekti iz Grupe Telekoma Slovenije ne djeluju u Bosni i Hercegovini na tržištu pružanja usluga kablovske distribucije radio i televizijskog programa, nakon provođenja

predmetne koncentracije neće doći do povećanja tržišnog udjela učesnika koncentracije te će sadašnji udio ostati nepromijenjen.

Također, Konkurencijsko vijeće prilikom donošenja konačne odluke uzelo u obzir činjenice navedene od podnosioca Prijave da će namjeravana koncentracija:

- povećati kvalitet usluga koje se nude potrošačima u Bosni i Hercegovini;
- proširiti broj proizvoda i usluga koje se nude potrošačima;
- dovesti do određenog sniženja cijena relevantnih usluga;
- povećati pouzdanost pružanja usluga potrošačima.

Prema navedenom Konkurencijsko vijeće je ocijenilo dopuštenom predmetnu koncentraciju, u smislu člana 18. stav (2) tačka a) Zakona.

8. Administrativna taksa

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana primijema, odnosno objave ovoga Rješenja.

Predsjednik

Ibrica Lakišić